




Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs



Broj: 06-11-21219-7/21
Sarajevo, 16.07.2021. godine

Na osnovu čl. 64. stav 1. tačka (b), 70. st. 1, 3. i 6. Zakona o javnim nabavkama BiH („Službeni glasnik BiH“, broj 39/14), člana 1. stav 1. tačka (a) pod (2) Pravilnika sa popisom ugovornih organa po kategorijama koji su obavezni primjenjivati Zakon o javnim nabavkama BiH („Službeni glasnik BiH“, broj 21/15), člana 8. stav 2. tačka (f) Pravilnika o uspostavljanju i radu komisije za javne nabavke („Službeni glasnik BiH“, broj 103/14), čl. 58. i 68. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), na preporuku Komisije za javne nabavke broj: 06-11-21219-5/21 od 14.07.2021.godine, u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2021. godinu - uz primjenu E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16), nabavka broj 06-11-21219/21 od 18.05.2021. godine, obavještenje o nabavci objavljeno na Portalu javnih nabavki pod brojem: 920-1-1-5-3-41/21 na bosanskom i na engleskom jeziku i sažetak obavještenja u „Službenom glasniku BiH, Tenderska dokumentacija objavljena na Portalu javnih nabavki, Ministar za boračka pitanja Kantona Sarajevo donosi

ODLUKU

o izboru najpovoljnijeg ponuđača za javnu nabavku:
Nabavka, transport i isporuka građevinskog materijala
za pripadnike boračke populacije Kantona Sarajevo za 2021. godinu
Otvoreni postupak uz primjenu E-aukcije
JRJN: 45000000-7 (Građevinski radovi)

Član 1.

Prihvata se preporuka Komisije za javne nabavke broj: 06-11-21219-5/21 od 14.07.2021. godine i okvirni sporazum za javnu nabavku: Nabavka, transport i isporuka građevinskog materijala za pripadnike boračke populacije Kantona Sarajevo za 2021. godinu dodjeljuje se **ponuđaču „PENNY PLUS“ d.o.o. Sarajevo, ponuda broj: 06-11-27167/21 od 05.07.2021. godine, za ponuđenu cijenu nakon provedene E-Aukcije od 906.688,60 KM bez PDV-a, odnosno 1.060.825,662 KM sa PDV-om.**

Član 2.

Prijedlog okvirnog sporazuma o nabavci dostavit će se na potpis izabranom ponuđaču „PENNY PLUS“ d.o.o. Sarajevo po protoku roka od 15 dana, računajući od dana od kada su svi ponuđači obaviješteni o izboru najpovoljnijeg ponuđača.

Član 3.

Za izvršenje ove Odluke zadužuje se i ovlašćuje sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo.

Član 4.

Ova Odluka objavit će se na web-stranici Ministarstva za boračka pitanja Kantona Sarajevo www.mbp.ks.gov.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2021. godinu pokrenut je Odlukom o pokretanju postupka javne nabavke broj: 06-11-21219/21 od 18.05.2021. godine.

Javna nabavka je provedena otvorenim postupkom uz primjenu E-aukcije.

Procijenjena vrijednost javne nabavke je 778.000,00 KM.

Obavještenje o javnoj nabavci na bosanskom i na engleskom jeziku je objavljeno na Portalu javnih nabavki pod brojem: 920-1-1-5-3-41/21 i sažetak obavještenja u „Službenom glasniku BiH“.

Krajnji rok za dostavljanje ponuda prema obavještenju i tenderskoj dokumentaciji objavljenim na Portalu javnih nabavki je 05.07.2021 godine do 10.00. sati.

Javno otvaranje ponuda je 05.07.2021. godine u 11.00 sati.

Komisija za javne nabavke imenovana Odlukom ministra broj: 06-11-7946-4/21 od 17.05.2021. godine je dana 05.07.2021. godine u 11.00 sati izvršila javno otvaranje ponuda po otvorenom postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2021. godinu.

Na javnom otvaranju ponuda prisustvovao je ovlašteni predstavnik ponuđača Penny plus d.o.o. Sarajevo (Naida Ajanović - Ovlaštenje broj: 07/02-1/21 od 02.07.2021. godine), a što je konstatovano u zapisniku o otvaranju ponuda.

Prilikom otvaranja ponuda utvrđeno je da su blagovremene ponude dostavila ukupna dva ponuđača sa ponuđenim cijenama kako slijedi:

Redni broj	Ponuđač	Vrijednost ponude (bez PDV-a)	Popust	Vrijednost ponude sa popustom bez PDV-a	Vrijednost ponude sa popustom sa PDV-om
1.	Pennyplus d.o.o. Sarajevo	906.687,30 KM	0%	906.687,30 KM	1.060.824,141 KM
2.	Senigor d.o.o. Sarajevo	1.102.047,36 KM	0%	1.102.047,36 KM	1.289.395,41 KM

Nakon javnog otvaranja ponuda, Komisija za javne nabavke je na zatvorenoj sjednici pristupila pregledanju i ocjeni pristiglih ponuda.

Evaluacijom blagovremeno pristiglih ponuda ponuđača Penny plus d.o.o. Sarajevo i Senigor d.o.o. Sarajevo utvrđeno je da su obje ponude potpune.

Tokom evaluacije ponuda Komisija za javne nabavke uvijek vrši i računsku provjeru specifikacije (obrasca za cijenu ponude – robe) prema jedničnim cijenama (koje se smatraju nepromjenjivim), te ukoliko utvrdi grešku u ukupnoj vrijednosti o istoj obavještava ponuđača koji je dužan prihvatiti ispravljeni iznos, a u suprotnom ponuda se odbacuje, a što je u skladu sa predmetnom tenderskom dokumentacijom gdje je između ostalog navedeno „ako postoji razlika između jedinične cijene i ukupnog iznosa koji se dobije množenjem jedinične cijene i količine, jedinična cijena koja je navedena će imati prednost i potrebno je ispraviti konačan iznos“.

Dakle, kod oba ponuđača su utvrđene greške, te je ponuđačima upućena instrukcija za korekciju cijena kako slijedi:

Ponuđaču Senigor d.o.o. Sarajevo upućena je instrukcija za korekciju cijene dana 08.07.2021. godine na način da se dostavi pismena potvrda/saglasnost o prihvatanju ispravke računске greške, odnosno ispravke ukupne ponuđene cijene u iznosu od 1.102.047,36 KM na iznos 1.102.112,25 KM.

Ponuđač Senigor d.o.o. Sarajevo je dana 08.07.2021. godine dostavio potvrdu o prihvatanju ispravke računске greške – potvrda broj: 05/21.

Ponuđaču Pennyplus d.o.o. Sarajevo upućena je instrukcija za korekciju cijene dana 08.07.2021. godine na način da se dostavi pismena potvrda/saglasnost o prihvatanju ispravke računске greške, odnosno ispravke ukupne ponuđene cijene u iznosu od 906.687,30 KM na iznos 906.688,60 KM.

Ponuđač Pennyplus d.o.o. Sarajevo je dana 08.07.2021. godine dostavio potvrdu o prihvatanju ispravke računске greške – potvrda broj: 07/08-1/21.

Nakon završene ocjene ponuda Komisija za javne nabavke je pristupila zakazivanju E-Aukcije u skladu sa Pravilnikom o uslovima i načinu korištenja E – aukcije („Službeni glasnik BiH“, broj 66/16).

E – Aukcija je zakazana za dan 13.07.2021. godine u 11.00 sati u trajanju od 20 minuta.

Nakon okončane E-Aukcije, Agencija za javne nabavke BiH je dostavila Izvještaj o provedenoj E-Aukciji.

U dostavljenom Izvještaju utvrđena je rang lista ponuđača kako slijedi:

1. Penny plus d.o.o. Sarajevo – ponuđena cijena nakon okončane E-Aukcije je 906.688,60 KM
2. Senigor d.o.o. Sarajevo – ponuđena cijena nakon provedene E-Aukcije je 1.102.112,25 KM

Dakle, nakon okončane E-Aukcije prvorangirani ponuđač je Pennyplus d.o.o. Sarajevo sa ponuđenom cijenom 906.688,60 KM bez PDV-a, odnosno 1.060.825,662 KM sa PDV-om.

Komisija je konstatovala da je ponuđena cijena veća od procijenjene vrijednosti javne nabavke, ali obzirom da se radi o okvirnom sporazumu, zauzet je stav da se ponuda kao takva prihvati, a da realizacija okvirnog sporazuma bude do iznosa procijenjene vrijednosti predmetne nabavke.

Dodatni argument za ovakav stav je i činjenica da su cijene građevinskog materijala u konstantnom porastu, tako da bi u eventualnom ponovljenom postupku cijene artikala mogle biti samo još veće.

Na osnovu naprijed navedenog Komisija je sačinila preporuku ministru kao predstavniku ugovornog organa o izboru ponuđača Pennyplus d.o.o. Sarajevo sa ponuđenom cijenom koja je veća od procijenjene vrijednosti javne nabavke, s tim realizacija okvirnog sporazuma bude do

iznosa procijenjene vrijednosti predmetne nabavke, odnosno najviše do 778.000,00 KM bez PDV-a (910.260,00 KM sa PDV-om).

Prema zapisnicima, preporuci i izvještaju dostavljenim od strane Komisije za javne nabavke u postupku javne nabavke: Nabavka, transport i isporuka građevinskog materijala za pripadnike boračke populacije Kantona Sarajevo za 2021. godinu, ocijenjeno je da je postupak blagovremeno proveden, te da je izbor prvorangiranog ponuđača „PENNY PLUS“ d.o.o. Sarajevo izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama BiH, te člana 58. Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se podnosi Ministarstvu za boračka pitanja Kantona Sarajevo u 3 (tri) primjerka.

Dostaviti:

1. Ponuđačima X2;
2. Evidenciji;
3. a/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1

